

第八七册目次

佛說立世阿毗曇論十卷	陳真諦譯	一
解脫道論十二卷	梁僧伽婆羅譯	四七
舍利弗阿毗曇論二二卷	姚秦曇摩崛多共曇摩耶舍譯	一九五

立世阿毗曇論卷第八

京八

陳天竺三藏真諦譯

地獄品第二十三更生一

過現未來世 衆生還往生

佛世尊證見 諸業不唐捐

隨時與成熟 聖智者自覺

退起及輪轉

有果報不失

瞿曇知此說

八種大地獄

更生及黑繩

及大阿毗止

惡人恒充滿

分分皆正等

鐵城所圍繞

世尊悉證見

山礚二叫喚

如是八地獄

各各十六隔

上高百由旬

鐵蓋覆其上

成一切法眼

小大兩燒熱

佛說難可度

四角及四門

四方百由旬

下地皆是鐵

炎熾火遍滿

見者必毛豎

如法次第說

有一地獄名曰更生

有光焰長多由旬

捉持脚上頭下

燒惡人可畏

極苦不可看

恭敬一心聽

如我所說言

一切皆鐵晝夜燒

然恒

恒然難可近

我今當爲汝

如我所說言

一切皆鐵晝夜燒

然恒

然恒

已唯有餘骨筋所接連悶絕暫死極大重苦
獄卒擲去是時冷風吹之還活由此風故皮
肉復常是時罪人手脚自生堅利如劍與其
同類互起怨心作是思惟是人昔時曾經爲
我作如是惡是故我先速害於彼彼起害心
亦復如是更互相斫如芟麻叢是地獄人受

如此相害上上品苦難可堪忍極堅極強最
爲痛絆乃至惡業受用未盡求死不得以何
行業起此果報令諸衆生於彼中生昔在人
中衆多女人共一夫主互相瞋妬若多男子
共諍一女起怨家心或邪婬他婦或諍田園
及車乘等或二國王諍於隣地或劫盜他財
爲財主所治共結怨家如人交陣更相殘戮
已結怨家未相解謝懷此命終由此業報彼
中受生
復次種種諸惡不善業報故於彼中生復次
有增上業感彼中生彼中生已受用種種惡
業果報云何業因令諸罪人更相殘斫昔在

人中執持鐮斧及刀仗等斬斫有命衆生之類是故於中受相斫報復次何業爲冷風所吹而復更生昔在人中畜養飲食牛鹿猪羊鷄鴨之屬得肥長已爲得多肉當復烹殺由此業報感彼冷風還得暫活云何業報得生利爪如利鐵劍昔在人中給人刀仗作如此

京八

二

教汝等可來某處州郡及縣邑等往彼行殺或人或畜由此業報劍爪得生

云何此獄名曰更生彼中罪人作如此意我今更生身肉如本故名更生又復此獄本名更生今時世尊欲重明此義而說偈言
更生地獄中 頭下脚在上 執持鐮斧等

隨繩卒所斫 是時被斫已 唯餘骨聚在
血肉皮筋等 還復如本生 指端利劍爪
由業自然生 隨昔怨瞋心 更互相斬斫
受相斫害已 冷風還更吹 生一切身分
淨風業所感 如來人天師 如實見是已
是故說更生 造惡人住處

更生地獄品究竟

第二黑繩地獄

復次地獄名爲黑繩一切皆鐵晝夜燒然火恒光焰長多由旬廣亦如是是中罪人獄卒捉持撲令卧地如憊生樹隨黑繩界斫以鐮斧或爲八角或復六角或復四稜有諸罪人從其足跟乃至頸項斤斧斬斫如蔗節長復有罪人從項至足斧斤細斷亦如蔗節是地獄人受此殘戮上上品苦難可堪忍極堅極強最爲痛惱乃至惡業受用未盡求死不得是何行業起此果報令諸衆生於彼中生昔在人中作如此業隨世律制隨世量決自作

京八

三

殺他如是重罰如是多量斬斫其手如是量者斬斫其脚剗鼻削耳亦復如是如是多量割其背肉或割二髀或五兩或十兩由此業報是諸衆生於中受生復有種種諸惡不善業報於彼中生復次有增上業感彼中生彼生已受用種種惡不善業報彼中有时獄卒

罵詈怖畏受罪之人惡人起起莫動時無量罪人心大驚怖一時竦倚猶如幡林是時鐵衣乃鐵袈裟火恒燒然出大光焰無數千万赤鐵袈裟及赤鐵衣從空來下時諸罪人作是叫喚是衣來是衣來是衣至已隨一一人各各纏裹皮肉筋骨悉皆焦爛焦爛盡已鐵衣自去是地獄人受此燒炙上上品苦難可堪忍極堅極強最為痛絆乃至惡業受報未盡求死不得是何行業受此果報令諸衆生於彼中生昔在人中捉持鞭杖捶撻有命衆生或以皮杖或用荊藤或復魚尾鞭枷衆生復有出家破戒受用國土衣服及與腰繩以此業報於中受生復以種種諸惡不善果報於彼中生復次有增上業感彼中生彼中生已受用種種不善業報有諸罪人獄卒剥皮從足跟至頸則止不令都離又獄卒從頸項剥皮至足跟而止亦不都離復有罪人從頸剥皮至腰而止或從腰剥皮至跟而止令諸

罪人身所帶皮垂拖拽皆至於地自他踐復痛苦難當譬如世人所著衣服縱橫長短不能整齊在其身皮亦復如是此地獄人受自剝剥上上品苦難可堪忍極堅極強最為痛絆乃至惡業受報未盡求死不得是何行業受此果報令諸衆生於彼中生昔在人中作如是業有命衆生剥其皮令皮不脫猶著其身似如衣服為戲樂等復次昔在人中鞭撻衆生或自作為他所教復次出家破戒受用國土衣服卧具等由此業報於彼受生復有種種諸惡不善業報於彼中生復次有增上業感彼中生彼中生已受用種種不善業報是地獄中極大黑暗密煙充滿煙氣慘粹裂皮破肉徹骨至髓此煙毒觸遍身内外獄卒驅逼令人煙中然後方置是諸罪人畏避此煙周惶馳走無數由旬互蹋身皮更相困苦是地獄人受此煙毒上上品苦難可堪忍極堅極強最為痛絆乃至惡業受報未盡

求死不得是何行業受此果報令諸衆生於彼中生昔在人中作高密室以煙殺人或作牢獄人以煙苦或豪猪或鯨鯉或獺或狐或狸或鼠或蠅蜜蜂之屬皆在坎中於其穴中作煙熏取乃至蚊蚋以烟熏逐以此業報於中受生復有種種諸惡不善業報於彼中生復次以增上業感彼中生彼中生已受用種種不善業報云何此獄名爲黑繩是中罪人隨黑繩界斬斫困苦故名黑繩又復自性本名黑繩欲重宣此義而說偈言

黑繩中獄卒 憚罪人如樹 隨黑繩界道
執持鐮斧斫 復次赤鐵衣 晝夜恒燒熱

纏狀諸罪人 血肉流及燥 剥足皮至頭
從頸腰亦然 黑繩中罪人 多無皮赤肉
可畏黑闇中 毒烟悉充滿 獄卒逼驅入
入已方捨置 馳走多由旬 烟暗無所見
更互履身皮 自他俱困苦 此中因及果
如實佛自知 如是說黑繩 惡人所住處

京八

五

黑繩地獄品究竟
大巷地獄

在更生黑繩二獄中間其有地獄名曰大巷如大市巷是中罪人或時仰眠或時覆眠或置口中鐵杵舂擣或有罪人從脚至頸分分斬斫或有罪人褫皮布地還割其肉以積皮上復有罪人下劒手斷舉劒手生以是因緣積其手聚猶如山高脚耳鼻頭下劒即斷舉劒還生頭鼻等聚亦如山高乃至惡業受報夫盡求死不得是何行業受此果報令諸衆生於彼中生昔在人中屠膾爲業殺羊猪牛鹿以自活命或捕魚鳥或辯波牢獄或自爲劫盜或刑剪罪人由此業報彼中受生復有種種諸惡業報於彼中生復次有增上業感彼中生彼中生已受用種種不善業報是地獄人頭如象頭身似人身復有罪人頭如馬頭身如人身復有罪人頭如牛頭身亦似人如是等類種種不同是中獄卒取諸罪人駕

以鐵車晝夜燒然恒有火焰赤鐵為扼赤鐵為繩是中路地一切皆鐵長多由旬廣亦如是是中獄卒執赤鐵錐驅感來去受如此害上上品苦難可堪忍極堅極強最為痛絆乃至惡業受用未盡求死不得彼是何業受此果報令諸衆生於此中生昔在人中或調象

師或調馬師或復調牛諸騎乘師等由此業報彼中受生復次種種諸惡業報於彼中生彼有增上業報感彼中生彼中生已受用種種不善果報彼中復有衆生頭作牛頭身是人身亦有鹿頭人身復有猪頭人身如是等類種種無數獄卒衆多聚集團繞執持弓刀

種種器仗斫刺罪人受此殘害上上品苦難可堪忍極堅極強最為痛絆乃至惡業受用未盡求死不得是何行業受此果報令諸衆生於彼中生昔在人中持捉刀杖田獵網捕有命衆生多人圍繞或斫或刺或殺或害由此等業彼中受生復次種種諸惡業報於彼

京八

六

中生復有增上業報感彼中生彼中生已受用種種不善業報彼中有樹名逆刺睽浮梨一切皆鐵晝夜燒然恒有火焰樹高一由旬刺長十六寸彼中獄卒捉罪人臂牽上刺樹而復牽下若牽上時刺低向下若牽下時刺仰向上牽上下時復若著樹皮肉即盡若背

著樹皮肉亦盡其腹皮肉還復更生脅背皮肉盡生亦尔由是事故隨腹脅背牽上牽下如是罪人受此殘害上上品苦難可堪忍極堅極強最為痛絆乃至惡業受用未盡求死不得昔行何業受此果報令諸衆生於彼中生昔在人中邪婬他婦或有婦人欺背夫主

由此等業於彼中生復次種種諸惡業報於彼中生復有增上業報於彼中生彼中生凡受用種種不善業報於彼獄中復有衆多赤鐵炭山晝夜燒然恒有光炎是中獄卒捉罪人臂牽上牽下隨腹著山皮肉焦盡若背著山皮肉亦盡腹還復故背脅皮肉盡生亦尔

由此事故隨腹脅背牽上牽下如是罪人受此殘害上品苦難可堪忍極堅極強最為痛粹乃至惡業受用未盡求死不得昔行何業受此果報令諸衆生於彼中生昔在人中取有命衆生擲置火中或熱砂中或熱灰中或擲不淨穢中或以牛馬駕於車乘熱砂中

京八

七

行由此等業彼中受生復次種種諸惡業報於彼中生復有增上業報感彼中生彼中生已受用種種不善業報

第三聚磧地獄品

復有地獄名為聚磧可其相猶如二山中間是中獄卒執持種種器仗恐怖罪人是時罪人悉皆畏懼入二止中間無數千人入山中已已有大火聚塞斷前路是時罪人見是猛火便欲縮退復見其後有大火聚周障宛轉二山便合兩山來時一切罪人發聲叫喚作如是言是山來已是山來已山遂相合如壓麻油山壓罪人亦復如是既壓竟已山開向

上是諸罪人見山聳起爭入其下山即復落重壓其身譬如張壓壓諸雜獸血流成江唯筋骨在無復皮肉受此殘害上品苦難可堪忍極堅極強最為痛苦乃至惡業受用未盡求死不得昔何行業受此果報令諸衆生於彼中生昔在人中以竹筴覆人牽象踐蹋或鬪戰時作諸壓車以磧於人又懸機石隄下殺人復於險路作諸機陷阱殺衆生或以小齒指齧蝨蟲如是等業受此果報於中受生復有種種諸不善業於彼中生復有增上業報感彼中生彼中生已受用種種不善業報其中罪人但餘筋骨無復血肉是時獄卒謂其伴言我今共汝一彈指頃春擣罪人即捉諸罪人入熱鐵槽中以熱鐵杵擣碎其身一彈指頃當人中五百年壽受此殘害上品苦具如前說昔行何業感是果報令諸衆生於彼中生昔在人中或執持牟稍及叉戟等刺害衆生穀米麻麥合蟲春暘由此等業

於中受生復有種種不善業報於彼中生復有增上業感彼中生彼中生已受用種種不善業報云何此獄名曰聚磔是中罪人聚集一處兩山聚磔故名聚磔又復此獄本名聚磔故名聚磔重說偈言

聚磔地獄中 京八 大二山中央 無數諸罪人

入中如鹿聚 京八 由昔業報故 是兩山相合

磔壓多衆生 火聚塞前後 從罪人身分

流血成江河 如是受困苦 中間不得死

安置赤鐵槽 執杵所舂擣 受昔諸業報

彈指五百年 如來人天師 如實見其已

是故說聚磔 造惡人住處

聚磔地獄品究竟

第四地獄名叫喚品

復有地獄名為叫喚其相猶如狹室無量千數彼中罪人人各一室身大房小迫迫困苦絕四威儀受燒炙害是罪人下其火熾然火勢若猛叫聲則烈火勢小羸叫聲則下受此

燒炙上上品苦難可堪忍極堅極強最為痛劇乃至惡業受用未盡求死不得昔何業行受此果報令諸衆生於彼中生昔在人中於無救濟於無依止衆生自作教他行大重罰自作教他焚燎原野或作密室以火殺之或作牢獄以火苦之或豪猪鯢鯢獺狐狸鼠等

穴處之類於其穴口以火燒炙乃至蚊蚋以

火熏逐以此業報於中受生復有種種諸惡

業報於彼中生復次以增上業感彼中生彼

中生已受用種種不善業報

第五地獄名叫喚品

復有地獄名叫喚其相猶如大埧廣長無

數由旬皆是赤鐵具如前說是中獄卒手持

鐵拍擬怖罪人罪人見已生大怖畏或走逃

叛或不逃叛或周惶漫走或面揄壁或復直

視或逢迎讚歎或辭謝乞恩是時獄卒問逢

迎者汝等云何敢來迎我即以鐵拍打破其

頭如破酪瓶頭碎腦殘亦復如是語不迎者

汝何敢不來碎破其頭亦復如前漫走不走
揗壁正規叛不叛者各問打治例皆如是以
此因緣悉皆破頭無得免者受此殘碎上上
品苦難堪忍極堅極強最為痛劇乃至惡
業受報未盡求死不得昔何行業受此果報
令諸衆生於彼中生昔在人中鑿培為獄若

犯罪者安置是中令其不見日月光明由此
業報於彼受生復有種種諸惡業報於彼中
生復次諸增上業感彼中生彼中生已受用
種種不善業報復行何業受碎頭報昔在人
中有命衆生拍破其頭或魚蛇蜈蚣等種種
衆生由是等業受碎頭報此獄燒炙困苦復
劇於前長有碎首等苦云何此獄名大叫喚
是中罪人由拍由火大號大叫唯大叫聲無
所詮辯乃至不能喚母喚父是故地獄名大
叫喚又復自性名大叫喚重說偈言
叫喚地獄中 多人被迫迫 下火若大然
叫喚聲可畏 若火勢羸弱 叫聲亦隨下

摧折威儀苦 及以燒炙痛 第二大叫喚
深暗令毛豎 壁立不可登 廣大無數量
獄卒於彼中 執持赤鐵拍 碎頭如怨家
無量百千年 如來人天師 如實見是已
故說二叫喚 造惡人住處
大小叫喚地獄品究竟

第六地獄名燒炙品

復有地獄名曰燒炙其相猶如窰竈一切皆
鐵晝夜燒然恒發火焰廣長無數由旬是中
罪人無數千萬閉塞燒炙熟已內外焦燥虛
脆易脫譬如肉脯是時獄門自然而開其門
外邊有無數狗或烏或駮身高長大伺待門
開爭入獄裏牽出罪人齧俾其身如倒生樹
恣意噉食既被食已皮肉皆盡唯餘骨聚困
苦難處當時悶絕冷風來吹皮肉更復是時
獄卒復驅令入還受先苦燒炙食噉上上品
苦具如前說昔何行業受此果報令諸衆生
於彼中生昔在人中造作牢獄無有門戶增

土象糞雜以泥壁及以塗地以鹽和瞿曇婆
樹油戮罪人身擲置獄中日光照炙於一夜
中臭爛臍腹或承或煮殺害罪人或復安火
燃炙殺人或煮蚕蠶或煎炒有命衆生以此
業報於中受生復有種種諸惡業報及增上
業報感彼中生具如上說復由何業爲狗食
噉昔在人中畜養師子虎豹熊羆豺狗之屬
今其辭齧有命衆生以是等業受彼中生餘
如上說昔何行業得冷風吹昔在人中爲須
多肉養飴衆生以此業故得冷風觸云何此
獄名之燒炙是中罪人身心被炙故名燒炙
又復自性名爲燒炙重說偈言

燒炙地獄中 鐵舍大焰熱 氣熱極盛猛
猶如燒火聚 是中造罪人 密塞而受炙
如昔所行業 此中受苦報 是時身已熟
群狗競食噉 皮肉皆消盡 惟骨是其餘
冷風一來吹 皮肉還復本 獄卒更驅入
還更受前苦 如來人天師 如實見是已

第八

土

故說是燒炙 造罪人住處
燒炙地獄品究竟

第七地獄名大燒炙品

復有地獄名大燒炙其相如高廣山一切皆
是赤鐵晝夜燒然恒發光焰有赤鐵利弗燒
熱最劇恒發光焰周圍上下皆所圍繞或有
罪人一弗所貫就火山炙或兩三弗或十二
十乃至百千縱橫穿貫就火山炙若一邊已
熟其弗自轉復炙一邊復有罪人鐵弗自拔
貫未傷處翻轉就炙復有罪人由上上品惡
業報故無數諸弗並皆自來又刺其身是中
罪人受此弗炙上上品苦難堪忍極堅極
強最爲痛劇乃至惡業受報未盡求死不得
昔行何業受此果報昔在人中弗貫火炙有
命衆生由此業報於中受生復有種種諸惡
業報於彼中生復次諸增上業感彼中生彼
中生已受用種種不善業報云何此獄名火
燒炙彼中罪人爲弗所刺以就火山内外燒

多愁憂苦惱故說大燒炙又復自性本名燒炙重說偈言

大燒炙地獄 利弗皆是鐵 圍繞鐵火山
宿世惡業感 是中行惡人 無數被穿貫
如反覆炙魚 隨業令其介 如來人天師
如實見是已 故說大燒炙 造惡人住處

火燒炙品究竟

第八阿毗止地獄品

復有地獄名阿毗止其相猶如大城一切皆是赤鐵晝夜燒然恒發光焰是獄東壁一切赤鐵晝夜燒然恒出火焰西南北壁上下並然東壁火焰交徹西壁西壁火焰徹東壁南火徹北北火徹南上火徹下下火徹上四方火焰遍滿獄中是中罪人無量千數重沓受燒猶如樵積中有罪人由此惡業上上品故身體長大虛疎柔軟更相感逼身首低垂不能行走絕四威儀有諸罪人由此宿業下中品故恒求出離周憶漫走或有時節是大地

京八

十二

獄東門自開是諸罪人咸唱門開競走求出未至門邊門自還閉是時西門更復門闕南門北門亦復自開是諸罪人唱云門開疾走向門未至門所門已自閉是中罪人受此無間地獄大苦難堪忍極堅極強最為痛劇乃至惡業受報未盡求死不得昔行何業受此果報昔在人中或殺母殺父殺阿羅漢起殺害心出佛身血破和合僧或復其母已是聖人生於姪過殺正定聚人或殺菩薩衆生或破壞如來四種支提或劫奪聚集因緣四方僧物或行殺生偷盜邪姪妄語兩舌惡口綺語貪愛瞋恚邪見等最極上品隨其一二乃至具足以此惡行於中受生復有種種諸惡業報於彼中生復次諸增上業感彼中生彼中生已受用種種不善業報云何此獄名阿毗止彼中罪人恒常受苦無有間息最上品餘地獄苦則不如此何以故餘地獄中獄卒或時來或時不來或由冷風大苦暫息

此地獄中則不如是從始至終受上上品苦
難可堪忍極堅極強最為痛劇此中罪人壽
命一劫乃至半劫乃至不定譬如鑪冶竟日
燒鐵星焰沸涌燒罪人身亦復如是故說名
阿毗止又復自性亦名阿毗止重說偈言
阿毗止地獄 一向最劇苦 晝夜大燒然

京八

十三

光焰聚遍滿 譬如一日燒 鐵鑊出光焰
如是阿毗止 一切火光徹 是中罪人身
猶如大火聚 汝等看業力 由此不灰炭
或時見門開 爭競走馳出 未至門已閉
宿業未盡故 如天受樂人 求生不求死
此中受苦者 求死不求生 如來人天師
如實見是已 故說阿毗止 造惡人住處
阿毗止品究竟

外圍隔地獄品第九

八地獄外四方圍繞各有四重圍隔地獄何
等為四一熱灰地獄二者糞尿地獄三者劍
葉地獄四者烈灰汁地獄如是四重次第圍

繞一一地獄如是應知若次第說有地獄名
熱灰是諸罪人從大地獄出見外熱灰如平
坦空地見此相已起如是心我今決應往彼
於是罪人往到彼中腳踐熱灰皮肉即爛譬
如蠟塊投猛火中隨其舉腳皮肉還復或時
至膝或時至齋或時至頸或沒不現此中無
數由旬周憊漫走受上上品苦難可堪忍極
堅極強最為痛劇乃至惡業受報未盡求死
不得昔行何業受此果報昔在人中取有命
衆生擲置火中或熱灰中或熱砂中或邪姪
他婦過世法則入他境界或出家破戒行住
坐卧僧伽藍中或起惡心或蹋踐四支提境
界及履支提影以此業報於中受生復有種
種諸惡業報於中受生復次諸增上業感彼
中生彼中生已受用種種不善業報
第二地獄名曰糞尿是中罪人出熱灰獄外
見糞尿如涼華池見已起如是心我今決定
必應往彼是時罪人往入彼中入其中已有

無數蟲蟲口堅利皆如劍鋒鑽破皮肉乃至筋骨噉食其髓復有諸蟲從鼻孔入食其五臟或從耳入或從眼入或從口入或從小大道入並啖食五臟復有大蟲含嚼罪人血肉既盡吐出其骨如棄棗核其受如是上品苦難可堪忍極堅極強最為痛劇乃至惡業

京八

十四

受報未盡求死不得昔行何業受此果報昔在人中取有命衆生擲置糞坑或不淨處乃至溝瀆以此業報於中受生復有種種諸惡業報於中受生復次諸增上業感彼中生彼中生已受用種種不善業報昔行何業受至食噉困苦果報昔在人中或令蛇狗蜈蚣蠚鰻之屬齧嚼有命衆生或起惡心受用五塵由此業報於彼中生受鑽破食噉如是等苦而說偈言

已渡糞屎獄 見可愛樹林 具鬱茂枝條 往彼欲求樂

如是林中有老烏白頸鴉鷹鷄鷲鳥等是地

復有豺狗野干虎狼師子等身皆長大是諸禽獸齧嚼罪人如倒生樹食噉其肉皮血肉盡唯餘骨在時諸罪人受此啄害上品苦難可堪忍極堅極強最為痛劇當時悶絕冷風復吹皮肉更生復受噉食乃至果報未盡求死不得昔行何業受此噉食昔在人中令

虎狼師子噉食有命衆生或放鷹犬獵諸禽獸由此等業彼中受生受食噉報復有種種諸惡業報於中受生昔行何業被冷風吹昔在人中畜養衆生使令肥壯欲得多肉以是業報得冷風吹

京八

十五

第三地獄名曰劍葉是諸罪人已度糞屎地獄見劍葉地獄心起愛著如菴羅林是劍林路有諸鏑刺匕首剃刀刀劍鋒刃遍布其地時諸罪人行此林路備受鑽刺等苦得入大林時無數億千衆生入此林已惡業因緣大風卒起雨諸器仗所謂劍雨箭雨劍雨鏑斧等雨隨所著處身分斷絕頭首分離如斫木

札布散狼藉或兩鐵戈從頂貫執動轉不得受此殘害上上品苦極堅極強最為痛劇乃至惡業受報未盡求死不得昔行何業受此果報昔在人中行鬪戰事與人刀仗遣令鬪戰作如是言汝等用此器仗取彼國土長圖四合聚集多人肆意殺害由此業報於彼中生復有種種業報於中受生復有增上業報感彼中生彼中生已受用種種不善業報

劍葉竟

第四地獄名烈灰汁是諸罪人從劍葉樹林出見烈灰汁言是清冷江水心起愛著往入江中是等罪人先在劍林遍身破烈入此江水身併爛壞血肉都盡唯筋骨相連逐水浮漾受此殘酷上上品苦極堅極強最為痛劇乃至惡業受報未盡求死不得昔行何業受此果報昔在人中取有命衆生熱油煎灌或糖或蠟或煮死屍取汁澆灌或不淨穢身入園人所用池井洗濯以此業報於中受生復

有種種諸惡業報於中受生復有增上業報感彼中生彼中生已受用種種不善業報灰河兩岸有諸獄卒無量千數身並長大執叉戟等守視罪人有時罪人語獄卒言官我今大饑獄卒即以叉取擲置岸上或用鉗鉤擘開其口燒熱鐵丸恒有光焰捉內口中脣口

焦然咽胃心腹五藏腸胃並皆潰爛丸從下出是諸罪人受此酷害上上品苦難可堪忍極堅極強最為痛劇乃至惡業受報未盡求死不得昔行何業受此果報昔在人中以毒食飼他或鴆殺人或出家破戒食國上供養或妄語惡口如是等業受此果報彼中受生

京八

十六

復有種種諸惡業報於中受生復次諸增上業感彼中生彼中生已受用種種不善業報有時罪人語獄卒言官我今大渴獄卒即以叉取罪人擲置岸上或用鉗鉤擘開其口洋熱鐵汁恒有光焰灌其口中脣口焦然咽胃心腹五藏腸胃並皆潰爛鐵汁下出是時罪

人受此酷害上上品苦難堪忍極堅極強
最為痛劇乃至惡業果報未盡求死不得昔
行何業受此罪苦昔在人中取象馬等尿灌
他口鼻或以五辛粹汁澆他鼻口或置毒飲
中逼令他服或勸他飲種種諸酒或為利酤
酒或自飲酒或出家破戒受用國上供養酥
油糖蜜等飲或復飲他非所堪飲以此業報
於中受生復有種種諸惡業報於中受生復
有增上業報感彼中生彼中生已受用種種
餘不善業報重說偈言

罪人出大獄 見此熱灰中 猶如平廣地
起愛即往彼 至已漫馳走 無數諸由旬

舉下脚生爛 備受上品苦 既出熱灰獄
便見糞屎坑 廣長深百丈 愛往謂華池
是中無數虫 口堅利如鋒 穿皮噉血肉
破筋骨食髓 復出糞坑已 見劍林起愛
謂枝條輒茂 往彼欲求樂 林中種種鳥
口喙利如針 俾人如生樹 食噉其血肉

京八

十七

是時既食已 唯餘筋骨在 今風一來吹
皮肉更還復 怖畏起跳踊 苦處作安想
路中受殘害 入可畏劍林 是時身破裂
極痛血洪流 出離此林已 便復入灰河
如煮豆涌沸 或沉或浮轉 沸烈灰汁中
罪人亦如是 兩岸諸獄卒 執叉刺其體
將出置地上 逼使吞鐵丸 或復洋鐵汁
求飲灌口中 焦爛遍身裏 然後從下出
如是行惡人 受此地獄苦 昔不修善業
修行邪曲路 由起正思惟 能離諸惡業
一向行善行 是人度惡道 知善惡二業
果報差別異 智人應離惡 當種諸善根
復有別修行 八直聖道分 為滅一切苦
觀無餘四法 如來人天師 如實見是已
故說園隔獄 造惡人任處
園隔地獄品究竟
第十閻羅地獄品
如佛婆伽婆及阿羅漢說如是我聞一時佛

世尊說比丘我以天眼清淨過於肉眼見諸衆生退沒生起善色惡色若妙若麤或住善道或住惡道隨業受生如實我知而說偈言起造邪惡心 及說邪曲語 或作邪身業由昔放逸故 少聞無福德 促命中爲惡是人捨身命 即墮閻羅獄

佛告比丘若人宿世不恭敬父母及沙門婆羅門不恭敬親友尊長不修正善及福德行於現在惡及未來罪不生怖畏不行布施不修福德不受八齋不持五戒捨壽命已生地獄中獄卒收錄送與閻羅白言此人往昔不恭敬父母及沙門婆羅門不恭敬親友尊長不修正善及福德行於現在世惡及未來罪不生怖畏不行布施不修福德不受八齋不持五戒願王教戒是人令識善惡因果時閻羅王依五天使正善教戒謂衆生曰汝先不見第一天使往彼人中大王我先不見王曰昔汝在人中不見年少童子嬰孩初生仰眠

京八

十八

不能避濕就燥時耶衆生言法王我昔已見王言汝見識解何不思計我今應生未度生法我應隨能依身口意修行善法爲長時中得於正道利益歡樂衆生言大王我昔放逸不能行善王言汝邪惡業自作自長非父母所作非國王所作非天所作非先亡沙門婆

羅門等所作自作自受雖不願求果報決至時間羅王因是天使訶責教已復因第二天使正善教勅謂衆生曰汝先不見第二天使往彼人中大王我先不見王曰汝昔在人中不見若男若女老長大等或復背僂猶如角弓扶杖前步舉身戰動衆生言大王我昔已見王言汝既識解何不思計我今應老未度老法我應隨能依身口意修行善法爲長時中得於正道利益歡樂衆生言大王我昔放逸不能行善王言汝邪惡業自作自長非父母所作非國王所作非天所作非先亡沙門婆羅門等所作自作自受雖不願求果報決

至時閻羅王因是天使訶責教已復因第三天使正善教勅謂衆生曰汝先不見第三天使往彼人中大王我先不見王曰汝昔在人中不見若男若女疾病困苦極難或滯牀席或據遷提或眠地上是身苦受最堅最強難堪難忍侵損壽命衆苦所逼大王我昔已見

京八

十九

王言汝已識解何不思計我今應病未度病法我應隨能依身口意修行善法爲長時中得於正道利益歡樂衆生言大王我昔放逸不能行善王言汝邪惡業自作自長非父母所作非國王非天非先亡非沙門婆羅門等所作自作自受雖不願求業報汝至時閻羅王因是天使訶責教已復因第四天使正善教勅謂衆生曰汝等先不見第四天使往彼人中大王我先不見王曰汝昔在人中不見若男若女或一日死或二日三日乃至七日或胙脹或黧黑或臭爛或爲禽獸食噉衆生言大王我昔已見王言汝既識解何不思計

我今應死未度死法我應隨能依身口意修行善法爲長時中得於正道利益歡樂衆生言大王我昔放逸不能行善王言汝邪惡業自作自長非父母所作非國王非天非先亡沙門婆羅門等所作自作自受雖不願求果報汝至時閻羅王因是天使訶責教已復因第五天使正善教勅謂衆生曰汝等先不見第五天使往彼人中大王我先不見王曰汝昔在人中不見世人或殺或盜或復邪婬乃至妄語惡口等罪爲王人所錄編頭面縛打鼓徇令於四衢道出城南門至行刑所坐置標下隨罪輕重種種治罰或杖或鞭或刖手足或剝耳鼻乃至大辟衆生言大王我昔已見王言汝既識解何不思計一切惡業現報可見我今屬業隨業力行若善若惡所作諸業於當來世如因受生衆生言大王我昔放逸不能行善王言汝邪惡業自作自長非父母非國王非天非先亡沙門婆羅門等所作